



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita Francisci Borgiae Tertij Societatis Iesv Generalis**

**Ribadeneyra, Pedro de**

**Mogvntiae, 1603**

XVIII. Romæ comiter à Pontifice, & Ignatio accipitur.

**urn:nbn:de:hbz:466:1-45256**

bus soror est, & amita. Piorum enim  
 hominum precibus, consilioq; respub.  
 feliciter geritur. Deum, quod rei ca-  
 pite est, time, & religiose colito. Hunc  
 inspectorem rerum humanarum in  
 oculis gestato, & Iudicem exspecta.  
 Salve, & Vale. Marchio lacrymis  
 vbertim fusis, paucis optima  
 quæque pollicitus, dexteram pa-  
 rentis, in ore gentis, exosculatur.  
 FRANCISCVS, cæteros ordine li-  
 beros complexus, valedixit; Io-  
 anne tantum, natu secundo, pa-  
 trem comitante: moxque vici-  
 num Societatis collegium in-  
 gressus, comites adsciuit Anto-  
 nium Araoz, Franciscum Stra-  
 dam, septem item alios Sacer-  
 dotes.

## CAPVT XVIII.

Roma comiter à Pontifice, & Igna-  
 tio accipitur.

E QVIS

**E**QUIS conscensis, Gandia dis-  
 cessit pridie Kal. Septem-  
 bres anni sacri clo. lo. L. Oppi-  
 do egressus, sublatis in cælum o-  
 culis, manibusque, mixtis etiam  
 præ lætitia lacrymis, Davidis il-  
 lud alta voce recitauit: *In exitu*  
*Israel de Aegypto. mox etiam: La-*  
*queus contritus est, & nos liberati*  
*sumus: cum bona spe, & mente*  
*fixa, fore vt eodem nunquam*  
*reuertere cogeret, qui ad cæle-*  
*stem patriam properaret. Serua-*  
*uit hoc religiose. Missus enim*  
*longo post temporis interuallo,*  
*à Pio v. Pont. Max. honorifica*  
*legatione, cum Alexandrino*  
*Cardinali in Hispaniam ad Re-*  
*gem Catholicum, Valentiamq;*  
*ingressus, nunquam sibi impe-*  
*rari passus est, vt Gandiæ oppi-*  
*dum, quod vnius duntaxat diei*  
 iti-

Psa. 119.

Psa. 123.

itinere abest, inuiseret. Proficif-  
 cens orationi quotidie horas  
 complures dabat, moremque,  
 quem perpetuo tenuit, de pec-  
 catis quotidie confitendi, sacrifi-  
 que epulis accumbendi, serua-  
 uit. In meridie tantum cibū ca-  
 pere solitus, etsi de via fessus lan-  
 gueret: in cena modico admo-  
 dum contentus cibo vixit: fla-  
 gellis, etiā in se, licet in diuerso-  
 rijs incommodum esset, s̄auies.  
 Colloquia diuina, quibus itine-  
 rum tedium leuari solet, sic par-  
 tiebatur, vt precationi horas tri-  
 bueret vicissim, & sermonibus  
 diuinis, piisque meditationibus;  
 nec ad aurium se voluptatem,  
 sed animi vtilitatē potius com-  
 pararet. Italiam simul attigit, ec-  
 ce tibi nobilem virum cum lite-  
 ris ab Hercule Estensi, Ferrari-  
 ensiū Regulo, Francisci patruo  
 maio-

maiore: orare, ad se vt de via di-  
uertere non omittat: cupere, pro  
veteri necessitudinis vinculo, a-  
spectu eius frui, quod sine vlllo  
pæne viæ incommodo, tempo-  
risq; iactura fieret. Paruit, vt de-  
cuit, FRANCISCVS, triduum que  
Ferrariensi Duci tribuit, comiter  
acceptus: biduum etiam cū Cos-  
mo Medice, Etruriæ Duce fuit,  
qui & ipse nullum officij genus  
prætermisit. Mox ne longius fie-  
ret, quo Ignatium videret, Ro-  
mam festinauit. Introductus ho-  
norifice in urbem, Cardinalium  
aliquot. Cærisque Legati volun-  
tate. Cauerant enim ne, quod  
maxime optabat FRANCISCVS,  
nocte intempesta obscurus in-  
grederetur. Latere nimirū, atq;  
ignorari, qua erat modestia, ma-  
lebat. Sed & ipse Ignatius, Supe-  
riorū auctoritate vict<sup>9</sup>, manu sua  
horis

horis aliquot antequam Urbem  
 iniret, significarat, æqui, boni  
 gratulationi pompam faceret,  
 quam ille probri, non honoris  
 loco, duceret. Iulius III. Ponti-  
 fex Max palatium illi læta cum  
 gratulatione, quod expectatus  
 venisset, per Legatos obtulit, æ-  
 diumque membrum, si volenti  
 esset, attribuit. Magnas ille gra-  
 tias agere: Societatis enim IESU  
 humile domicilium delegerat.  
 Hic pro foribus Ignatius præsto-  
 labatur, amplexus Ducem ami-  
 ce, humoque reluctantem tol-  
 lens, quod pedes, manusque ex-  
 oscularetur: mistis etiam carita-  
 tis lacrymis, quod magno Fran-  
 ciscum emolumento amplifi-  
 candæ Ecclesiæ DEI; Socijs quo-  
 que, re, & consilio, iuuandis; ex-  
 emplo denique ad maiorem DEI  
 gloriam vsui futurum provide-  
 ret.

ret. Fessus ille non nihil de via,  
 ubi se modicum collegit, confir-  
 mauitq; , nihil duxit antiquius,  
 quam Pontificem M<sup>ax</sup>. v<sup>enerari</sup>,  
 pedesque, more maiorum, ex-  
 osculari. Hic in basilica Pontifi-  
 cia acceptus officiosus est, quā  
 ceteri eius ordinis solent. Lau-  
 dare factum Pontifex, gratum-  
 que id sibi accidisse, ab vltimis  
 pæneterris, hoc anni tempore,  
 & æstu, qui nondum se fregerat,  
 Romam religionis gratia aduo-  
 lasse: vt beatorum Apostolo-  
 rum sepulcra viseret, & patefa-  
 cta iam portæ aureæ limina o-  
 scularetur. *Vtinam, inquit, talium*  
*Principum magnam copiam habe-*  
*remus: constantius se res Christiana*  
*haberet. Aedes rursus suas pate-*  
 re illi coram testatus. At FRAN-  
 CISCVS modeste abnuere, gra-  
 tias agere; quod in Sociorum

F col-

collegium diuettisset : satis fore  
immo summi beneficij loco du-  
cturum, si patientes interdum  
aures sibi daret, & benediceret.  
Sic honorificè domum red-  
ctus, redditus sibi videbatur.  
Cardinales tamen, quos necessitas  
erat, officij gratia inuisit. His tã-  
dem salutationum curis expedi-  
tus, sacra Diuorum templa or-  
dine lustrauit, adhibito, tanquam  
viæ duce, & nomenclatore, Ita-  
nerarij libello : in quibus tem-  
plis, innumerabiles beatorum  
martyrum reliquiæ, ut nusquam  
alibi plures, asseruantur, & a  
pijs hominibus frequentan-  
tur. Quibus è commodis, copi-  
osiores ut fructus caperet, omnè  
anteactæ vitæ rationem reddend-  
am Ignatio putauit : & errata  
Sacerdoti confitendo, in Vrbe  
sancta, temporeque sanctissimo



expianda iterum censuit. Nec foris solum se, lustrandis, obambulansque locis sacris, oblectabat; domi etiam mirifice aspectu Patrum illorum, principum Societatis, & familiae auctoris Ignatij, recreabatur. Inter caetera verò plurima Romæ præclare gesta, illud ad æternitatem memorabile, ab illo prima esse Collegij Romani fundamenta iacta. Seminarium id omnium nationum quoddam est, eritque semper. Sed omnis ea laus Gregorio XIII. Pont. verè Max. Societatisque parenti optimo relicta cessit, ædibus, augustoque ludo exædificatio.

## CAPVT XIX.

*Ad Cesarem de bonis abdicandis mittit, Cardinalatus honorem fugit.*

F 2

OPTA